

Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipue desumpta

In Qvo Agitvr Nominatim De Sacerdotibus, Confessarijs, Magistris siue
Doctoribus, Concionatoribus, Episcopis & alijs Prælatis, eorumque
Ministerijs - In septem Tractatus distributus ...

**Puente, Luis de la
Coloniæ Agrippinæ, 1629**

§. I.

[urn:nbn:de:hbz:466:1-45750](https://nbn-resolving.de/urn:nbn:de:hbz:466:1-45750)

omnium, & ad laudandum Deum. Ac propterea dicit: *d cum conuenitis, prouquisque vestrum Psalmum habet, quem proferat, & alter gratias Deo agit, & idote, etiam non intelligentes, respondent: Amen.* Et hinc ortum est, vt orationes Ecclsiæ vocarentur Collectæ: ed quod multisimil in loco uno recollecti eas pro omnibus dicerent. Ex quo apparet, hanc orationem non fuisse purè mentalem, sed vocalem, & quidem elata voce, vt ab omnibus auditri & intelligi posset, eum in modum, quo idem S. Lucas refert: Apostolos cum reliquis Fidelibus in locum unum conuenisse, & omnes e unanimitate levasse vocem ad Deum, longam ac feruentem facientes pro omnibus orationem. Quamuis autem Spiritus Sanctus (cuius donum est, vt quis sciat bene orare) soleat orantibus verba inspirare, in ipsa oratione dicenda, ita vt ex ferenti interna & mentali oratione resulteret (vt ait Sanctus BONAVENTURA) vocalis oratio; ita vt ipsemet orans, suæ orationis verba componat, id tamen raro euenit, ob dispositionis nostræ paruitatem; & quod non omnes apti & capaces sint, ad id præstandum. Quare quemadmodum CHRIS TVS DOMINVS NOS TER componere voluit ipsam Precationem Dominicam, vt omnes fideles eam orarent: ita etiam SPIRITVS SANCTVS Ecclesiæ inspirauit, vt officium Divinum ordinaret, & orationes latidesque Dei colligeret; quas eius Ministri dicturi essent in loco & tempore sibi præscriptis.

§. I.

CAUSA E huius Sanctæ Institutionis multæ fuerunt, valdeque utiles: & Sanctus Bonaventura quinque valde Pias assignat. Prima causa fuit: vt Ecclesia Militans imitaretur morem Triumphantis: in qua Angeli & Spiritus Beati coram Deo semper assistunt, eius laudibus attentes, iuxta illud Dauidis: *a Beati, qui habitant in domo tua Domine: in secula seculorum laudabunt te.* Cum igitur Christus D. N. sicut est in cœlo, realiter & verè sit etiam in Sanctissimo Altaris Sacramento in ipsis templis: æquum & iustum est, vt sint constituti Ministri qui eius præsentia assistant, laudesque decantent cum ea majori continuatione & frequentia, quam humana fragilitas adhibere potest. Et videntur Seraphini, quos vidit Ilaias, descendisse de cœlo in templum Ierolomyitanum, vt nos docent modum, Deum in nostris templis laudandi. In præsentia enim Domini b clamabant alter ad alterum, & dicebant: Sanctus, Sanctus, Sanctus Dominus Deus exercituum, plena est omnia terra gloria eius: vt homines intellexerent, se debere imitari incensum Seraphinorum amorem: vt magna concordia vñiti, Sanctissimam Trinitatem laudent: existimantes, hanc esse supremam occupationem, quam in terra habere possunt: cū de ea gloriantur supremi coelestes Angeli: quorum laudibus debet nus coniungere,

vt earum

d. 14, 23.
26.c. Adhuc.
4. 24.Processio 7.
Relig. 6. 3.I.
opus. de 6.
Aliis Seraphi.
c. 8.
a Psal. 83. 5

b. Isaiae 6. 3

vt earum defectus suppleatur, sicutque Domino ipsi gratiores. Ideo enim Ecclesia in Praefatione addit: *cum quibus & nostras voces ut admissi iacebemus deprecamur, &c.*

S E C U N D A huius Institutionis causa fuit, vt esset perpetua Divinorum beneficiorum memoria, designatis certis horis, in quibus Deus laudandus; gratiaeque illi pro eis agendae: vt huic obligationi, mater qua possemus, continuitate satisfacceremus, iuxta illud Davidis: *c benedictum Dominum in omni tempore: semper laus eius in ore meo;* & illud Ieremie: *miserationum Domini recordabor, laudem Domini super omnibus, que redditis nobis;* & *super multititudinem bonorum, quae domui Israel largitus est.* In quibus verbis meminat duorum beneficiorum specialium, quae largitur Domino unicuique fidelium; & generalium, quae concedit domui Ecclesie sua, in omnium utilitatem. Vt autem vtrorumque sit continua memoria & gratiarum actio instituta sunt horas Canonicas: vt Ecclesiastici suo & Ecclesiae nomine semper Deum laudent, gratiasque pro his beneficiis agant sed magis in particulari, vt in memoriam habeant beneficij nostrae redemptionis. Dominumque laudent, qui media nocte fuit natus; & alia nocturnentes sustinuit cruciatus; mane vero ad iudices deductus; & horatam flagellatus, &c ad mortem damnatus; sexta autem crucifixus; vespertinam mortuus; & circa noctem sepultus; postea dilicito resurrexit, & horatam Spiritum Sanctum misit. Cum igitur hisce horis adeo insignia beneficia Ecclesiae contulerit: decebat, vt eius filii eidem horis ad ipsum Dominum, qui ea tanta liberalitate & misericordia contulit, laudandum conuenirent.

H V T C causae affinis valde est tertia: vt scilicet orationis exercitium, qua posset maxima frequentia continuaretur, duplice nomine. Altero, eo quod necessitates & miseriae tam particulares, quam communes, quibus premimur, sint continuæ: quantum uniuersalis reparator est ipse Dominus noster, exhibita ratione ad id impetrandum; Altero, eo quod oratio sit efficacissimum medium ad conservationem & augmentum Fidei, Religionis, & Sanctitatis, quam profitemur: quæ absque Diuino favore non potest diu durare, hic autem fauor obtinetur orationibus. Et ideoque hoc nomine dixit Christus Dominus noster: *e oportet semper orare, & non desicere.* Quod (vt ait Beda) præstat Ecclesia, statuendo ut eius Ministries die ac nocte conueniant, ad Horas Canonicas dicendas: vt vtrumque à Deo obtineant, quas quotidie repetunt, vt quotidie vtrumque obtineant, iuxta illud S. Hieron. Deus semper largitor, semperq; donator est: non mihi sufficit, quod semel donauit, nisi semper donauerit. Pero, vtr accipiant, & cū accepero, rursus peto. Avarus sum ad luscipienda beneficia Dei. Ne que ille deficit in dando, neque ego fatior in accipiendo; quanto plus dero, tanto plus fitio. Præterea, cum Officium Diuinum non solum con-

*c Ps. 33.1.
d Iai. 63.7.*

*c Lut. 18.1.
c. 71 in Lu
cam apud
D. Thom. in
catena.
Epist. ad
Thessalon
ensem in
med. um.*

tineat petitiones; sed multos actus & virtutum omnium affectus complectatur: ideo si ut oportet, dicatur: non solum consilium impletur, semper orandi, sed etiam proficiendi continuè in puritate & sanctitate: iuxta illud quod Spiritus sanctus dicit: f qui iustus est, iustificetur adhuc: & sanctus f Apoc. 12.
sanctificetur adhuc. Et illud Ecclesiastici: g non impediatis orare semper, & g Eccl. 18.
ne veracris usq; ad mortem iustificari: quoniam merces Dei manet in eternum. 22.

HINC etiam Quarta causa huius Institutionis oritur: vt communis plebs, que param scit, parumque delecatur hoc exercitio orandi & laudandi Deum: ei assuecat, accedens ad Ecclesiam constitutis horis: vbi non solum per ipsos Sacerdotes oret, & laudet Deum; sed hoc etiam ex exemplo seipsum exciter, vt iuxta suam capacitem, idem praestet, & attendens Divinis officijs, reddatur ei minus graue tempus, quod ibi orando expendit. Experiencia enim docet nos, quod, nisi sancta haec esca proponeretur; multi non accederent templo, aut citò defatigarentur in eius manendo. Et hoc est, quod S. Lucas dixit: quod, quando Zacharias Pater Sancti Ioannis Baptizæ ingressus est templum Domini, vt secundum consuetudinem Sacerdotij incensum poneret: tunc omnis multitudo populi erat orans foris hora incensi; atque si nunc diceremus: dum Sacerdotes officium suum præstant in altari, vel in choro omnis populus est foris orans, & clamans ad Deum, bono illorum exemplo permotus.

QUINTA causa est: quia id spectabat ad Catholicae Ecclesiae, & Christianæ Religionis decorum. Si enim Gentiles conueniebant in suis templis, vt tuos falsos Deos adorarent & laudarent: multò magis est rationi consentaneum, vt Christiani in templis nostris conueniamus, ad adorandum & laudandum verum nostrum Deum. Et, si antiquæ legis fideles suas etiam faciebant congregations in suis Synagogis; suaque festa celebrabant pro gloria Dei nostri: multò certè magis iustum est, vt Christiani conueniamus in templo nostra, vt eum laudemus, & altissimorum eius mysteriorum, & sacramentorum participes efficiamur: facientes quod resert Ecclesiasticus de Davide dicens: I dedit in celebrationibus decus, & ornauit tempora usque ad consummationem vita; vt laudarent nomen sanctum Domini; & amplificarent mane Dei sanctitatem: Omnes enim tenemur eum laudare: quia talis est; & propter altissimas, quas in se habet perfectiones; & propter amplissima opera, quæ nobis præsttit, ac præstat: decetque ut omnes nostras vires intendamus in his cum omni solennitate possibili prestandis: semper enim minus faciemus, quam infinita eius. Majestas deposcat, & promereatur, vt aperte dixit idem Ecclesiasticus: k glorificate Dominum quantumcumque potueritis, supernalebit enim adhuc & admirabilis magnificencia eius. Qui benedicit Dominum, exalte illum quantum potestu: maior enim est omnis laude.